



Extrait des Registres
de Parlement.



VR LA

Requête faite par
le Procureur Ge-
neral du Roy.

LA COVRT

icelle enterinant, à ordonné & or-
donne, Que defences seront faictes,
à toutes personnes quelz-conques,
à cry public par les carrefours de
ceste Ville de Paris (& en toutes
les Villes de-ce ressort) de ne met-
tre & exposer l'Escu sol, à plus hault
pris, que de Cinquante-trois solz.

Sur peine de la hart, & telle amende qu'il sera aduisé : De laquelle amende, sera apliqué moitié au Roy, & moitié au Denonciateur, Et enuoyé au Preuost de Paris, pour en faire la publication.

Faict en Parlemét, le trezième iour d'Aoust, l'an mil cinq cens soixante-neuf.

Signé,

DV TILLET.

LEU & publié à son de Trompe & cry public, par les carrefours de la ville, de Paris, lieux & places acoustumez à faire crys & publications, Par moy Pasquier Rossignol, Crieur iuré du Roy en la-dicte ville, Preuosté, & Viconté de Paris, acompagné de Jean Desfeten, commis de Michel Noiret, commis par le Roy pour Trompette esdicts lieux, & d'un autre Trôpette le Samedy trezième iour d'Aoust mil cinq cens soixante-neuf.

Et les iours ensuyuant par la Preuosté & Viconté de Paris.

Signé

P. ROSSIGNOL.

EXTRAICT DU

Privilège.



AR Lettres patentes du Roy, données à Orléans le xxij. Novembre, 1568. Signées Par le Roy, ROBERT ET. Et sellées du grand scel du dict Seigneur, en cire ianne, sur simple queue. Autres Lettres de Inssion données à Joinville le premier iour de Feurier 1569. Signées CHARLES, Et plus bas, Par le Roy, ROBERT ET. & scellées comme dessus: Verifiées en la Court de Parlement, à Paris, le vij. iour de May, audict An. Il est permis à Guillaume de Nyuerd, son Imprimeur ordinaire, d'imprimer & exposer en-vente toutes Ordonnances, Edicts, Mandemens, & toutes autres choses qu'il plaira à sa Majesté de faire publier, & autres publications qui seront faites par ledict Seigneur, tant en ses Courts de Parlement qu'autres Courts & Iurisdicions. Et fait inhibitions & defenses, sadicte Majesté, à tous Imprimeurs, Libraires & autres, d'imprimer, faire imprimer, n'exposer en-vente ce qui aura esté imprimé par ledict de Nyuerd, sondict Imprimeur ordinaire, ny pocher, tailler & contrefaire nulles de ses hystoires, sur les peines y contenues.